

Aktuelnosti:

1. Sastanak o mogućnosti unapređenja saradnje Grada Sarajeva i Harkova
2. Potpisan ugovor za izgradnju nove zgrade Općine Prozor – Rama
3. Konferencija „Razvoj lokalne elektronske uprave, prakse i trendovi u BiH i regionu“
4. Obuka za uposlenike općina u okviru projekta EURELSMED
5. Sastanak predstavnika općina Tuzlanskog kantona o zbrinjavanju otpada
6. Održan sastanak Radne grupe Saveza za izradu Zakona o zaposlenicima u JLS
7. UNDP donirao Savezu informatičku opremu
8. Potpisani ugovori za zaštitu zemljišta i vodotoka u vrijednosti od 2,3 mil. KM
9. Općina Čitluk zatražila od Vlade HNK/Ž jednokratnu pomoć za sanaciju štete od prirodnih nepogoda
10. Potpisan dokument o realizaciji projekta „Jačanje lokalne samouprave u BiH – SLS“
11. Omladinska banka za 11 projekata osigurala 42.358 KM
12. Entitetski savezi općina i gradova organizirali donatorski koordinacioni sastanak
13. Održana sastanak Savjetodavnog odbora razvoja kapaciteta entitetskih saveza
14. Ministar Ivanković – Lijanović susreo se sa načelnikom Općine Domaljevac – Šamac
15. Održana radionica o Beacon Shemi
16. Sredstvima EU Bihački kraj

GLEDAJTE svake druge subote u 13:30 sati na Hayat TV – “Moje dvorište” dokumentarno informativnu emisiju o lokalnoj samoupravi.
Repriza je utorkom u 14:15

<http://vimeo.com/user5457690/videos>

SASTANAK O MOGUĆNOSTIMA UNAPREĐENJA SARADNJE GRADA SARAJEVA I HARKOVA



SARAJEVO, 16. juni/lipanj – Gradonačelnik Sarajeva Alija Behmen i njegov zamjenik Miroslav Živanović primili su danas u posjetu šeficu Ureda Ambasade Ukrajine u BiH Oksanu Dramaretska-u i sekretara za ekonomska pitanja u Ambasadi Oleksandra Oborskyi-a, saopšteno je iz odjeljenja za odnose s javnošću, analitiku i marketing Grada Sarajeva.

Tokom prijema razgovaralo se o dosadašnjoj saradnji dviju prijateljskih zemalja, te o uspostavljanju snažnijih odnosa, pogotovo u oblasti privrede, nauke i kulture. "Dosta bosanskih firmi prije je radilo na području naše zemlje. Danas, međusobnim vezama, ekonomsku saradnju nastavljaju poduzetnici koji se bave metalnom industrijom. Također, planiramo u Sarajevu organizirati Ukrajinski biznis forum", kazala je O. Dramaretska. Kako se navodi u saopštenju, O. Dramaretska istakla je da je bivša ukrajinska prijestolnica, Grad Harkov, zainteresiran za saradnju sa Gradom Sarajevom.

U procesu obnavljanja je ugovor koji su još 1969. godine potpisali sarajevski i Univerzitet u Harkovu o međusobnoj naučnoj saradnji. O. Dramaretska je izrazila spremnost za upostavljanje saradnje i na kulturnom planu, s obzirom da se u Sarajevu događaju brojni međunarodni festivali i manifestacije.

Gradonačelnik Behmen se zahvalio šefici Ureda Ambasade Ukrajine u BiH na interesu za Sarajevo i BiH. "Grad Sarajevo je potpuno otvoren za saradnju. Pored kulture, nauke, tradicije, ekonomska diplomacija gradova je sve prisutnija na međunarodnoj sceni i važan je faktor".

unaprijeđuje turističku ponudu

17. Razmatrane mogućnosti izgradnje centra za reciklažu otpada
18. Potpisana tri ugovora vrijednosti blizu 1 mil.
19. U poslovnu zonu „Gorinčani“ dosad uloženo 800.000 KM
20. Prijevremeni izbori za načelnike općina Sanski Most, Ilidža i Travnik
21. NAJAVA održavanja panel diskusije za novinare: „Kako izvještavati iz lokalnih zajednica“

Poštovani članovi i čitaoci,

Kao i do sada, obavještavamo Vas o unutrašnjoj i vanjskoj komunikaciji i razmjeni najboljih iskustava i praksi kao i o različitim obukama koje mogu doprinijeti kadrovskom jačanju općinskih službenika.

Putem ovog biltena se možete informirati i o drugim dešavanjima u proteklom periodu kao što su konferencije, seminari, okrugli stolovi a koji mogu doprinijeti unapređenju sistema lokalne uprave.

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću adresu: dino@sogfbih.ba

Molimo vas da ovaj elektronski bilten proslijedite svim zainteresiranim u vašoj i susjednim općinama.

Ukoliko želite da objavite neke od vaših novosti, iskoristite elektronski bilten Saveza, koji je brz, efikasan i jeftin način komuniciranja sa javnošću.

Sa zadovoljstvom očekujemo vaše komentare, sugestije i primjedbe.

POTPISAN UGOVOR ZA IZGRADNJU NOVE ZGRADE OPĆINE PROZOR-RAMA

PROZOR-RAMA, 16. juni/lipanj – Načelnik Općine Prozor-Rama dr. Jozo Ivančević i Ante Knežević, direktor firme "Ometala" d.o.o, potpisali su Ugovor za izvođenje građevinskih radova na izgradnji nove zgrade općine. Vrijednost ugovorenih radova iznosi 495.400 KM, a zgrada će se raditi prema planu firme Eco-plan d.o.o. iz Mostara. Nova zgrada trebala bi biti smještena na sadašnjem lokalitetu gradske pijace.



Nakon potpisivanja ugovora, načelnik Ivančević je istakao kako je ovo vrijeme u kojem se Općina Prozor-Rama opredjeljuje za pozitivno djelovanje koje će dovesti do napretka u samoj općini. "Jedan od mnogobrojnih zamišljenih projekata upravo je i zgrada općine koja će morati biti na službi svim građanima kao i svim budućim investitorima. Općina koja nema funkcionalne zgrade, u kojoj sami djelatnici ne mogu u zdravom radnom okruženju normalno raditi ne može se nadati ničemu dobrom", kazao je Ivančević.

Općina Prozor-Rama je jedna od rijetkih koja nema svoje vijećnice, dvorane za sastanke i sale za vjenčanja. Isto tako Općina ima problem jer je administracija smještena u dvije zgrade, što predstavlja veliki problem u funkcionalnosti same uprave, ali stvara veliki problem i samim građanima".

KONFERENCIJA „RAZVOJ LOKALNE ELEKTRONSKE UPRAVE, PRAKSE I TRENDOWI U BIH I REGIONU“

SARAJEVO, 16. juni/lipanj – U prostorijama Mediacentra održana je 16.06.2011. godine Konferencija na temu "Razvoj lokalne elektronske uprave, prakse i trendovi u BiH i regionu". Ovaj projekat i Konferenciju je podržao Fond otvoreno društvo BiH.



Učesnici na Konferenciji su bili predstavnici jedinica lokalne samouprave iz Bosne i Hercegovine, Saveza općina i gradova FBiH, Ministarstva lokalne uprave i samouprave Republike Srpske, Ministarstva prometa i komunikacija Bosne i Hercegovine, Agencije za informaciono društvo Republike Srpske, UNDP-a i GAP-a. Na Konferenciji je bilo govora o politikama i institucionalnim podsticajima za razvoj elektronske uprave u općinama i gradovima BiH. Takođe, izvršen je uvid i razmjena iskustva među ekspertima i praktičarima u ovoj oblasti.

OBUKA ZA UPOSLENIKE OPĆINA U OKVIRU PROJEKTA EURELSMED

SARAJEVO, 15. juni/lipanj – U okviru projekta koji finansira Evropska unija (EU) "Podrška EU izgradnji institucionalnih kapaciteta za regionalni i lokalni ekonomski

Kontaktirajte nas

Telefoni:

033/ 216 502, 033/ 552 812

Fax: 033/552 810, 033/ 552 811

<http://www.sogfbih.ba>

<http://www.partnerstvogradova.ba/>

<http://www.nexpo.nalas.eu>

e-mail: dino@sogfbih.ba

NAŠ CILJ je informirati vas o seminarima, treninzima, konferencijama i drugim aktivnostima, koji unapređuju lokalnu upravu i kadrovsko jačanje zaposlenih u vašim općinama.

**KORISNI LINKOVI ZA
PREDPRISTUPNE FONDVE:**

<http://www.southeast-europe.net/en/>

<http://www.adriaticipacbc.org/>

<http://www.interregadriatico.it/index1.html>

<http://www.europa.ba/>

<http://www.cbib-eu.org/en/welcome/index.html>

<http://www.cbc.bih-mne.org/>

<http://www.srb-bih.org/>

<http://www.cbc-cro-bih.net/>



razvoj i razvoj malih i srednjih preduzeća u BiH" (EURELSMED), u saradnji sa Sarajevskom regionalnom razvojnom agencijom (SERDA), od 14. do 17. juna/lipnja u Sarajevu se održava 16. od ukupno 25 obuka za uposlenike općina iz oblasti

"Upravljanja projektnim ciklusom i pristupa logičke matrice za identifikaciju i izradu projekata u kontekstu trenutnih/ budućih programa finansiranja".

Učesnici obuke dolaze iz Grada Sarajeva, te općina Hadžići, Ilidža, Olovo, Trnovo, Ilijaš, Vogošća, kao i iz Ministarstva privrede Kantona Sarajevo.

U sljedećih pet mjeseci projekat EURELSMED će organizovati obuke iz oblasti razvoja projekata i upravljanja za uposlenike svih općina u BiH.

Ovo je prvi projekat koji nudi obuke svim općinama u Bosni i Hercegovini. Više od 500 osoba će biti obučeno za bolju pripremu aplikacija za finansiranje od međunarodnih donatorskih organizacija, uključujući EU, te osigurati da se sredstva koja su na raspolaganju efikasnije koriste u provedbi projekata.

SASTANAK PREDSTAVNIKA OPĆINA TUZLANSKOG KANTONA O ZBRINJAVANJU OTPADA

TUZLA, 15. juni/lipanj – Općine Tuzlanskog kantona (TK) će u roku od sedam dana dostaviti Ministarstvu prostornog uređenja i zaštite okolice TK prijedlog načina rješavanja deponovanja komunalnog otpada i prijedlog eventualne lokacije za izgradnju deponije komunalnog otpada, jedan je od zaključaka sa jučerašnjeg sastanka u Tuzli između predstavnika općina sa



područja TK i predstavnika Ministarstva prostornog uređenja i zaštite okolice TK. Kada je u pitanju zbrinjavanje čvrstog otpada, istaknuto je da situacija u Kantonu nije dobra i da većina općina nema riješeno pitanje zbrinjavanja.

Općine Tuzla, Kalesija, Sapna, Čelić i Teočak su djelimično riješile ovaj problem ili su na putu rješavanja, dok je najteža situacija trenutno na područjima općina Živinice, Srebrenik i Gradačac.

Ministrica prostornog uređenja i zaštite okolice TK Senija Bubić kazala je da Ministarstvo nema namjeru da se nameće i rješava probleme koji su u izvornoj nadležnosti općinskih struktura, ali da je na raspolaganju da pruži pomoć u skladu sa mogućnostima.

Dodala je da je cilj Ministarstva pokušati artikulirati i usmjeriti djelovanje općina kako bi se iznašlo najkvalitetnije rješenje.

Direktorica Javnog komunalnog preduzeća (JKP) Regionalni centar za upravljanje čvrstim otpadom Tuzla Lejla Ibrahimović podsjetila je prisutne da je projekat Sanitarna eko deponija, koji je započet 2002. godine sa planom realizacije na području općine Lukavac, zaustavljen otporom lokalne zajednice i to nakon investiranja 1.800.000 KM.

Dogovoreno je da će općine osnivači JKP Regionalni centra za upravljanje čvrstim

<http://www.programmed.eu/>

<http://www.tacso.org/>

<http://www.euroinfocentar.ba/>

<http://www.balkanfund.org/>

<http://eurelsmmed.com/>

http://eacea.ec.europa.eu/index_en.php

otpadom Tuzla obezbijediti prisustvo svojih predstavnika na narednoj sjednici Skupštine, radi rješavanja daljeg statusa.

ODRŽAN SASTANAK RADNE GRUPE SAVEZA ZA IZRADU ZAKONA O ZAPOSLENICIMA U JLS

U Sarajevu je 14.06.2011. godine održan sastanak Radne grupe Saveza općina i gradova FBiH za izradu Zakona o zaposlenicima u jedinicama lokalne samouprave. Sastanku su prisustvovali slijedeći članovi Radne grupe:

1. Hamdija Ljubijankić (Općina Cazin)
2. Hajrudin Katardžić (Općina Zavidovići)
3. Mario Rozić (Općina Čitluk)
4. Predrag Šupljeglav (Grad Mostar)



Svoje odsustvo su opravdali: Selver Keleštura (Općina Zenica), Mediha Nuhbegović (Općina Tuzla) i Zlata Ibrahimpašić (Općina Bihać).

Pored članova Radne grupe, sastanku su prisustvovali Vesna Travljanin, direktor Saveza, Slaviša Šućur, GAP i Elvira Imširović-Bolić, viši saradnik za pravna pitanja u Stručnoj službi Saveza.

Na sastanku je istaknuto da je Agencija za državnu službu Federacije Bosne i Hercegovine pipremila novi tekst Zakona o državnim službenicima i namještenicima u organima državne službe u Federaciji Bosne i Hercegovine, te da je Federalno ministarstvo pravde preuzelo Zakon o zaposlenicima u organima jedinica lokalne samouprave koji je pripremio Savez i da ga sada tretira kao Zakon Federalnog ministarstva pravde.

Nakon rasprave o pojedinim odredbama ova dva zakona, zaključeno je da četiri člana Radne grupe Saveza obavezno prisustvuju Drugoj konsultativnoj konferenciji na temu: „Funkcionisanje sistema uprave i status zaposlenih u organima uprave u Federaciji BiH – Normativni okvir“ koja će se održati u Sarajevu 22. i 23.06.2011. godine. Konferenciju organiziraju Federalno ministarstvo pravde i Agencija za državnu službu Federacije BiH uz finansijsku podršku OSCE-a. Na konferenciji će biti razmatrani slijedeći zakoni:

1. Zakon o zaposlenicima u organima jedinica lokalne samouprave
2. Zakon o državnim službenicima i namještenicima u organima državne službe u Federaciji Bosne i Hercegovine
3. Model kantonalnog zakona o državnim službenicima i namještenicima

Na konferenciju su ispred Saveza pozvani predsjedavajući Skupštine Saveza, predsjednik i zamjenik predsjednika Predsjedništva Skupštine Saveza, te direktor Saveza.

UNDP DONIRAO SAVEZU INFORMATIČKU OPREMU

SARAJEVO, 10. juni/lipanj – U skladu sa realizacijom aktivnosti na projektu „Sistem obuke za jedinice lokalne samouprave“ - MTS, a na osnovu Strategije obuke za jedinice lokalne samouprave u Federaciji Bosne i Hercegovine usvojenoj od strane

Predsjedništva Skupštine Saveza, u okviru Saveza općina i gradova Federacije Bosne i Hercegovine formirana je jedinica za obuku izabranih zvaničnika.

UNDP koji je nosilac aktivnosti na implementaciji navedenog projekta, donirao je Savezu općina i gradova Federacije Bosne i Hercegovine informatičku opremu za osposobljavanje jedinice za obuku izabranih zvaničnika. Zvanična primopredaja pomenute opreme koja uključuje: računar, laptop, printer, projektor, projekciono platno, fotoaparat, metaplan ploču te flipchart, upriličena je u prostorijama Saveza 10.06.2011. godine.

Gospođa Vesna Travljanin, direktorica Saveza općina i gradova Federacije Bosne i Hercegovine, istakla je tom prilikom da Savez ostvaruje dobru saradnju sa UNDP-m na polju implementacije različitih projekata.



POTPISANI UGOVORI ZA ZAŠTITU ZEMLJIŠTA I VODOTOKA U VRIJEDNOSTI 2,3 MILIONA KM



BIHAĆ, 10. juni/lipanj – Vlada Unsko-sanskog kantona je preko Ministarstva poljoprivrede, vodoprivrede i šumarstva USK danas u Bihaću potpisala više ugovora sa lokalnim zajednicama i privrednim subjektima u oblastima zaštite i sanacija zemljišta i vodotoka. Ukupan iznos potpisanih ugovora je 2,37 miliona KM. Potpise na ugovore za odobrene projekte u 2011. godini ispred resornog ministarstva stavio je ministar Emdžad Galijašević, te predstavnici općina, privrednih subjekata i drugih ustanova i institucija.

Kod uređenja zemljišta četiri od osam općina USK - Bihać, Velika Kladuša, Bosanski Petrovac i Bosanska Krupa, aplicirale su i dobile značajna sredstva za ukupno sedam projekata u kojima Ministarstvo poljoprivrede, vodoprivrede i šumarstva učestvuje sa 70 posto. Ostale krajiške općinske administracije zbog neaktivnosti

nisu uzeli učešće u raspodjeli 670.000 KM. Projekte će dobivati one općine i subjekti koji budu aplicirali na budžetska sredstva kvalitetnim programima.

"Nema para 'na lijepe oči', niti prema kriteriju političkog miljeničtva", kazao je premijer USK Hamdija Lipovača koji je prisustvovao potpisivanju ugovora. U pomenutim projektima zaštite zemljišta općina Bihać se izborila za 330.000 KM, Bosanski Petrovac za 17.000 KM, Bosanska Krupa za 38.000 KM, a Velika Kladuša dobila je 263.000 KM.

U drugom "krugu" potpisivani su ugovori iz granta od vodnih naknada u iznosu od 1,7 miliona KM. Oko 190.000 KM su dug iz 2009. i 160.000 KM iz prošle godine. Radi se o sredstvima čijim utroškom će lokalne zajednice zaštititi izvorišta, potoke, rijeke, čistiti korita vodotoka, vršiti odvodnju otpadnih voda, rekonstruirati vodovodne mreže i graditi kanalizacione sisteme. U Općini Cazin će se sa 265.000 KM zaštititi izvorište Ljubijankići, u Velikoj Kladuši sa 210.000 KM izvorište Kvrkulja i detektirati gubici vode u gradskom vodovodnom sistemu, u Bužimu sa 170.000 KM izvorišta Pivnica i Iliđa, te izgraditi vodovod "Jusufovići". Na općini Bihać sa 264.000 KM izgradiće se dio kanalizacije u MZ Ribić, očistiti vodotoci i odvodni kanali, produžiti vodovodna mreža u Jezeru i Spahićima, te zaštititi jezero u istoimenom naselju, dok će Ključani sa 195.000 KM rekonstruirati dio gradskog vodovoda preko gradskog mosta na Sani i natkriti dio potoka Ižnica. Bosanski Petrovac je dobio 140.000 KM za odvodnju otpadnih voda, rekonstrukciju vodovoda u MZ Smoljana i izgradnju vodovoda Gorinčani, a Bosanska Krupa 276.000 KM za regulaciju potoka Kalender, izgradnju vodovoda u Pištalinama i vodovoda Vrletnica. Sanski Most je dobio 170.000 KM kako bi regulirao tok rijeke Blihe zbog poplava, izgradio vodovod Bojančić i rekonstruirao vodovod u Starom Majdanu.

OPĆINA ČITLUK ZATRAŽILA OD VLADE HNK/Ž JEDNOKRATNU POMOĆ ZA SANACIJU ŠTETE OD PRIRODNIH NEPOGODA



ČITLUK, 10. juni/travanj – Načelnik Općine Čitluk Ivo Jerkić uputio je molbu Vladi Hercegovačko – neretvanskog kantona/županije (HNK/Ž) za dodjelu jednokratne novčane pomoći za sanaciju šteta nastalih usljed prirodnih nepogoda.

"U ranim jutarnjim satima 9. juna/travnja olujno nevrijeme, praćeno tučom, poharalo je zapadni dio naše općine, gdje je pričinjena velika materijalna šteta na urodima i nasadima vinograda, voćnjaka i povrća. Prema dosadašnjim neslužbenim podacima, procjenjuje se da je oštećeno preko 1.000.000 trsa loze, nekoliko hiljada voćnjaka, gdje je, što izravno, što neizravno, oštećeno više od 1.000 porodica, od kojih je većini to glavni izvor prihoda", kaže se u molbi Općine koja je upućena Vladi HNK/Ž.

"Kako se radi o višemilionskoj šteti, Općina nije u mogućnosti sama ublažiti njene posljedice, zbog čega iz namjenskih sredstava budžeta HNK/Ž tražimo odobravanje pomoći u iznosu od 300.000 KM za preventivnu zaštitu oštećenih vinograda i voćnjaka", naveo je načelnik Jerkić.

POTPISAN DOKUMENT O REALIZACIJI PROJEKTA "JAČANJE LOKALNE SAMOUPRAVE U BIH - SLS"

SARAJEVO, 9. juni/lipanj – U Sarajevu je danas, u organizaciji njemačke organizacije Njemačke organizacije za razvojnu saradnju (GIZ), potpisan dokument o realizaciji projekta "Jačanje lokalne samouprave u BiH - SLS", koji implementira GIZ u ime njemačke Vlade.



Riječ je o projektu čiji je cilj poboljšanje kapaciteta općinske administracije u svrhu unapređenja

rezultata u implementaciji lokalnih razvojnih strategija, povezujući te strategije sa prostornim planiranjem i sa višegodišnjim finansijskim programiranjem, putem aktivnog učešća građana i uz pristup koji promoviše međuopćinsku saradnju.

Direktorica Saveza općina i gradova FBiH Vesna Travljanin kazala je da se potpisanim dokumentom o implementaciji sa nadležnim ministarstvima na entitetskom nivou, odnosno memorandumu o razumjevanju sa savezima općina i gradova Federacije BiH, Republike Srpske i 12 partnerskih općina u BiH, stvaraju i formalni uslovi za realizaciju planiranih aktivnosti SLS projekta.

Potpisivanju ovog dokumenta prisustvovali su partneri realizacije SLS-a: ministrica uprave i lokalne samouprave Republike Srpske Lejla Rešić, ministar pravde Federacije BiH Zoran Mikulić, predsjednik Predsjedništva Skupštine Saveza općina i gradova FBiH Husejin Smajlović, predsjednik Predsjedništva Saveza općina i gradova RS Dragoljub Davidović, načelnici 12 partnerskih općina iz BiH (Gornji Vakuf-Uskoplje, Ilijaš, Kostajnica, Kozarska Dubica, Ljubuški, Maglaj, Modriča, Orašje, Teslić, Vareš, Višegrad i Žepče), te predstavnici njemačke organizacije GIZ. Ministrica L. Rešić kazala je da će općine potpisnice u naredne dvije godine dobiti oko dva miliona eura.

Projekat "Jačanje lokalne samouprave u BiH- SLS" realizuje se na osnovu Sporazuma o saradnji između SR Njemačke i Vijeća ministara BiH.

Projekat se provodi uz konsultacije i blisku saradnju sa resornim institucijama i organizacijama koje djeluju u oblasti lokalne samouprave u BiH.

OMLADINSKA BANKA ZA 11 PROJEKATA OSIGURALA 42.358 KM



GORNJI VAKUF/USKOPLJE, 9. juni/lipanj – Omladinska banka iz Gornjeg Vakufa/Uskoplja u ovoj godini će finansirati 11 projekata, koje će implementirati udruženja mladih i neformalne grupe mladih sa područja ove općine.

Za ove namjere osigurano je 42.358 KM, a radi se o projektima koji imaju za cilj stvaranje boljih životnih uslova za mlade osobe i razvoj lokalne zajednice.

Sa korisnicima projekata već su potpisani ugovori i uručeni su im novčani čekovi, čime su se stekli uslovi za pokretanje planiranih aktivnosti.

Omladinska banka u Gornjem Vakufu/Uskoplju počela je sa radom u martu/ožujku prošle godine.

Njen rad finansira Fondacija "Mozaik" iz Sarajeva, uz podršku Razvojnog programa Ujedinjenih nacija (UNDP), a dio sredstava obezbjeđuje i Općina.

Osim Gornjeg Vakufa/Uskoplja, Omladinska banka, po istom principu, djeluje u još 16 općina u BiH.

ENTITETSKI SAVEZI OPĆINA I GRADOVA ORGANIZIRALI DONATORSKI KOORDINACIONI SASTANAK



SARAJEVO, 9. juni/lipanj – U okviru projekta „Jačanje kapaciteta entitetskih saveza općina i gradova u Bosni i Hercegovine“ koji implementira VNG International održan je Koordinacioni sastanak donatora iz oblasti lokalne samouprave. Sastanak je, u organizaciji Saveza općina i gradova Federacije Bosne i Hercegovine i Saveza opština i gradova

Republike Srpske održan 08.06.2011. godine u Sarajevu u Hotelu Art.

Svrha sastanka, na koji su bili pozvani kako donatori, tako i implementatori projekata vezanih za lokalnu samoupravu u Bosni i Hercegovini, bila je koordinacija aktivnosti i razgovor o aktuelnim i budućim projektima, te usaglašavanje istih sa strategijama razvoja saveza općina i gradova u Bosni i Hercegovini.

Cilj donatorskog koordinacionog sastanka je da se potencijalnim donatorima predstave tekuće i planirane aktivnosti entitetskih saveza koje su usmjerene ka lokalnoj upravi i lokalnoj vlasti. Direktorica Saveza općina i gradova FBiH, Vesna Travljanin, te generalni sekretar Saveza opština i gradova RS, Brano Jovičić, prezentirali su rad oba saveza i upoznali prisutne sa aspektima rada saveza u budućem periodu.

Ovom prilikom su predstavljene određene projektne ideje koje se tiču razvoja i unapređenja rada u lokalnoj samoupravi, održivosti gradova u segmentu zaštite okoline i energetske efikasnost i sl., te je tražena podrška prisutnih u izmjeni zakonske regulative koja se tiče jedinica lokalne samouprave i jačanju uloge saveza kako bi bili glavni pregovarači jedinica lokalne samouprave sa centralnim vlastima.

Među prisutnim potencijalnim donatorima su bili predstavnici ambasada u BiH, međunarodnih organizacija kao što su Švedska agencija za međunarodni razvoj (SIDA), Američka agencija za međunarodni razvoj (USAID), OSCE, UNDP, Holandska razvojna organizacija, GIZ, SDC, Ministarstvo za upravu i lokalnu samoupravu RS.

U okviru današnjeg sastanka potpisan je Protokol između Saveza općina i gradova FBiH i RS i Projekta upravne odgovornosti GAP2. Ovim Protokolom savezi su preuzeli pojedine segmente iz Projekta GAP2.

Zaključci sastanka su da je potrebno uspostavi praksa redovnog održavanja ovakvih sastanaka, te da je neophodno uključiti saveze u projekte bitne za lokalnu samoupravu od samog početka uz planiranje odgovarajućih sredstava, te da se prilikom izrade projekata uzmu u obzir i strategije entitetskih saveza, kao i prioriteta postavljeni u ovim strategijama od strane članica oba saveza.

SASTANAK SAVJETODAVNOG ODBORA RAZVOJA KAPACITETA ENTITETSKIH SAVEZA OPĆINA I GRADOVA

SARAJEVO, 8. juni/lipanj – Danas je u prostorijama Općine Stari Grad Sarajevo održan drugi sastanak Savjetodavnog odbora Razvoja kapaciteta entitetskih saveza općina i gradova (CDMA). Ovom prilikom su predstavljene dosadašnje aktivnosti Savjetodavnog odbora, kao i napredak razvoja entitetskih saveza općina i gradova.

Projektom CDMA podržavaju se dva saveza lokalnih vlasti u BiH, Savez općina i gradova Federacije Bosne i Hercegovine i Savez opština i gradova Republike Srpske. Ovaj Projekat, između ostalog, ima za cilj jačanje sektora pravnog i finansijskog savjetovanja unutar saveza.

Učesnici današnjeg sastanka poseban akcenat stavili su na izborni proces u BiH, ali i na samu ulogu entitetskih saveza u pregovaranju s višim nivoima vlasti, posebno u oblasti finansija. Danas je dogovoreno da jedan od prioriteta u realizaciji ovog projekta bude izrada WEB stranice, dok će pitanja u vezi s evropskim integracijama biti prioritet u budućem radu.

Projekat Razvoj kapaciteta entitetskih saveza općina i gradova BiH počeo je u avgustu/kolovozu 2010. godine i trajat će do decembra/prosinca 2013. godine. Njegova svrha je jačanje demokratskih procesa u BiH, a cilj je pružanje podrške Savezu općina i gradova FBiH i Savezu opština i gradova RS.

Projekat CDMA finansira se uz podršku Švedske agencije za međunarodni razvoj (SIDA), a implementira ga Agencija za međunarodnu saradnju Saveza holandskih općina "VNG Internacional".

Prema riječima direktorice Saveza općina i gradova FBiH gđe Vesne Travljanin sastanak Savjetodavnog odbora CDMA održava se svakih šest mjeseci, a na današnjem sastanku su razmijenjena iskustva vezana za njegovu implementaciju, te se govorilo o budućim koracima u njegovoj realizaciji.

Kako je pojasnila direktorica, do sada su u okviru implementacije projekta CDMA uspostavljena dva nova ureda - ured Saveza opština i gradova RS u Banjaluci, te su proširene prostorije sjedišta Saveza općina i gradova FBiH u Sarajevu.

Ona je pojasnila da oba entitetska saveza sada pružaju i nove usluge. "Nove usluge Saveza općina i gradova FBiH i RS su isključivo savjetodavne prirode. U oba ureda postoje po dva savjetnika, pravni i finansijski, koji našim članicama pružaju savjete iz pravne regulative iz oblasti lokalne samouprave, kao i savjete iz oblasti finansija".



MINISTAR IVANKOVIĆ-LIJANOVIĆ SUSREO SE SA NAČELNIKOM OPĆINE DOMALJEVAC-ŠAMAC Ž. JOSIĆEM

SARAJEVO, 7. juni/lipanj – Federalni dopremijer i ministar poljoprivrede, vodoprivrede i šumarstva Federacije BiH Jerko Ivanković-Lijanović, sa saradnicima, susreo se danas u Sarajevu s načelnikom Općine Domaljevac-Šamac Željkom



Josićem.

Načelnik Josić iskazao je spremnost i otvorenost za saradnju s novim vodstvom Ministarstva i novom Vladom FBiH, s ciljem uspješnog realiziranja svih aktivnosti i projekata koji se provode na području te općine i cijelog Posavskog kantona.

"Kao načelnik općine, odgovoran sam spram svih svojih mještana koji su me izabrali i dali mi povjerenje za obavljanje ove odgovorne dužnosti. Stoga se oštro protiv svima koji nas pokušavaju dovesti u svojevrsnu izolaciju, što je i politički neodgovorno, posebno jer se cijela Posavina nalazi u prilično teškoj i složenoj situaciji", kazao je načelnik Josić.

Federalni dopremijer i ministar Ivanković-Lijanović pozdravio je ovakvu odluku načelnika Općine Domaljevac-Šamac, najavivši svoj skorašnji posjet Posavini i konkretiziranje razgovora s ciljem uspješnoga implementiranja razvojnih projekata, posebno kada je u pitanju sektor poljoprivrede i proizvodnje hrane.

Na sastanku je razgovarano i o poticajima u poljoprivredi za ovu godinu, te drugim aktivnostima i projektima u oblasti agrara, kao i u ostalim resorima koje obuhvaća ovo ministarstvo.

"Naslijeđenim proračunom i ove je godine, kao i prošle, za poticaje u poljoprivredi planirano 55.000.000 KM. Također, naslijedili smo i brojne dugove i neisplaćene obveze iz protekloga razdoblja, koje iznose blizu 12.000.000 KM, te smo i njih morali planirati u ovogodišnji Program. Stoga, s pravom mogu kazati da je prilično teška situacija kada je u pitanju oblast agrara i provedba poticajne politike, a što je posljedica lošega vođenja poljoprivredne politike proteklih godina", naglasio je Ivanković-Lijanović, poručivši kako je cilj novog vodstva Ministarstva napraviti još snažniji zaokret u ukupnoj poticajnoj politici kako bi se osigurala značajnija sredstva za poljoprivredu.

ODRŽANA RADIONICA O BEACON SHEMI

SARAJEVO, 7. juni/lipanj – U prostorijama Saveza općina i gradova Federacije BiH danas je održana dodatna radionica s ciljem detaljnijeg informiranja predstavnika



općina iz FBiH o programu Beacon scheme, načinu popunjavanja prijavnog obrasca, te o temama i pogodnostima koje općine ostvaruju sticanjem Beacon statusa.

Prije početka radionice, član Savjetodavne komisije BiH Željka Marković-Sekulić izjavila je da općine iz BiH, da bi dobile Beacon status, trebaju pokazati i dokazati, te razmijeniti sa drugim općinama neku od svojih najboljih

praksi ovisno o temama koje su predložene.

"Konkretno, na današnjoj radionici predložene su teme: ekološki potencijali, kultura, turizam i planiranje budžeta", kazala je Ž. Marković-Sekulić i napomenula da za dobijanje Beacon statusa mogu aplicirati sve općine iz BiH. „Aplikacija mora zadovoljiti određenu formu i ona je, na neki način, eliminaturnog karaktera. Ukoliko općina ne zadovolji sve formalno-pravne uvjete ona biva eliminirana, a ostale općine ulaze u izbor i stvaraju pretpostavke da Savjetodavna komisija dođe u posjetu tim općinama i da se uvjeri u istinitost svega što je navedeno u

aplikacijama. Posljednja zadaća općina je da sačine prezentaciju pred svim članovima Savjetodavne komisije i predstavnicima resornih ministarstava. Na osnovu svega navedenog, stvaramo kompletnu sliku i na temelju toga Komisije predlaže savezima općina i gradova FBiH i RS, kao i resornim entitetskim ministarstvima onu općinu koja bi eventualno trebala da dobije Beacon status", pojasnila je Ž. Marković-Sekulić.

Naglasila je da je Savjetodavna komisija neovisno tijelo BiH, koje je imenovano na mandat od tri godine na osnovu javnog konkursa i koje čini šest članova, neovisnih eksperata.

"Njena zadaća je da zaprimi, pregleda i vrednuje sve aplikacije, da obavi verifikacijske posjete svim općinama koje su ušle u uži izbor i na kraju da vrednuje prezentaciju koje će te općine sačiniti. Moram napomenuti da su sve općine koje uđu u uži izbor izuzetno vrijedne i imaju dobru praksu, ali uvijek biva nagrađena ona koja je najbolja. Sve ovo podiže standarde lokalne samouprave i povezuje sve općine u BiH na način da su jedna drugoj pozitivna i poticajna konkurencija", kazala je Ž. Marković-Sekulić.

Ona je istakla da općine imaju višestruke koristi od cijelog ovog procesa. "Općine koje apliciraju za neku od tema testiraju sebe u određenoj oblasti, potom imaju mogućnost da, ako dobiju status Beacon sheme, dobiju i određena novčana sredstva od resornih ministarstava iz FBiH i RS, a ono što je veoma važno je da te općine imaju prednost za projekte u evropskim fondovima".

Projekat Beacon sheme pokrenut je 2005. godine, uz podršku OSCE-a i Vijeća Evrope, a prije dvije godine su Federalno ministarstvo pravde, Ministarstvo uprave i lokalne samouprave RS i Brčko Distrikt BiH prepoznali značaj projekta, uložili sredstva i preuzeli odgovornost za njegovu implementaciju.

Implementatori projekta su i savezi općina i gradova FBiH i RS koji u svakom pogledu podržavaju svoje članice, organizuju radionice s ciljem upoznavanja općina kako mogu postati Beacon općine, te kako da prođu kroz proces apliciranja, ali i kroz proces širenja dobre prakse.

Službenik za odnose s javnošću Saveza općina i gradova FBiH Amir Kupusija rekao je da su se savezi općina i gradova FBiH i RS uključili u ovaj projekat iz razloga što su ubijeđeni da općine u BiH imaju dobre prakse i žele da ih razmijene sa svojim partnerskim općinama ne samo u BiH, nego i u regionu.

Šesti krug Beacon Sheme predstavlja treću godinu realiziranja ovog programa od strane domaćih vlasti i novu priliku za podizanje standarda u lokalnoj upravi putem prepoznavanja i promoviranja najboljih primjera općinskih praksi.

Nagradni fond Beacon sheme za 2011. godinu iznosi 48.000 KM, a sredstva za ovu namjenu obezbijedili su Federalno ministarstvo pravde i Ministarstvo uprave i lokalne samouprave RS.

SREDSTVIMA EU BIHAĆKI KRAJ UNAPRIJEĐUJE TURISTIČKU PONUDU

BIHAĆ, 06. juni/lipanj – Projekt koji nosi naziv "Razvoj eko-zone NP Una i obogaćivanje njegove turističke ponude" u narednih 20 mjeseci dok traje njegova implementacija bi trebao popraviti turističku sliku BiH, naročito općine Bihać, gdje se projekat i realizuje.



Vrijednost projekta je oko 400.000 eura. Najveći dio sredstava osigurala je Delegacija Evropske unije oko 350.000 eura.

Projekat ima za cilj razvoj turizma u BiH, stvaranje prepoznatljive turističke ponude Nacionalnog parka "Una" korištenjem dostupnih resursa i okruženja, kroz razvoj i poboljšanje turističke infrastrukture, razvoj turističkih usluga u NP "Una" i razvoj i promociju turističkog proizvoda NP "Una".

Projektom je predviđena izgradnja dva područja za piknik u Štrbačkom Buku i Martin Brodu, izgradnja i poboljšanje planinskih staza (lokacije Plješevica, Klekovača), izgradnja i poboljšanje planinskih biciklističkih staza (lokacije Plješevica, Klekovača, Martin Brod, Kulen Vakuf i Štrbački Buk), izgradnja dva paviljona za posmatranje i 24 vidikovca u Martin Brodu, Štrbačkom Buku, Plješevici i Klekovači, obnova i opremanje planinarskih domova na Plješevici i Klekovači, izgradnja tri kompostna toaleta na lokacijama Štrbački Buk, Plješevica i Klekovača, te postavljanje turističke signalizacije na ulazu i unutar NP "Una".

Cilj projekta je stvoriti brend, jednu specifičnu ponudu koja će biti bazirana na prirodi i njenim resursima.

RAZMATRANE MOGUĆNOSTI IZGRADNJE CENTRA ZA RECIKLAŽU OTPADA

TRAVNIK, 04. juni/lipanj – O iznalaženju dugoročnog rješenja za odlaganje i upravljanje čvrstim otpadom u Srednjobosanskom kantonu i mogućnosti izgradnje centra za reciklažu otpada, razgovarali su danas u Travniku predstavnici lokalnih komunalnih preduzeća, općina, nevladinih organizacija i parlamentaraca sa različitih nivoa vlasti.

Tridesetak učesnika okruglog stola u raspravi je apeliralo na zajednički rad i dijalog zainteresiranih općina u rješavanju ovog problema. Istaknuta je potreba i značajnijeg učešća kantonalnih vlasti, kao i hitnog formiranja kantonalnog ekološkog fonda.

Posebno je naglašena potreba iznalaženja pravih načina iskorišćavanja međunarodnih finansijskih fondova radi realiziranja ove ideje.

Iskustva s postrojenjem za reciklažu otpada u njemačkom gradu Lajpcigu predstavio je poslanik u parlamentu njemačke pokrajine Saksonije Michael Weichert.

Skup je organizirao Centar za promociju civilnog društva u saradnji s Centrom za edukaciju mladih iz Travnika, uredom Gradskog partnerstva Lajpcig-Travnik te USAID-ovim Projektom jačanja parlamenta u BiH.

POTPISANA TRI UGOVORA VRIJEDNA BLIZU 1 MILION KM



PROZOR-RAMA, 04. juni/lipanj – Načelnik Općine Prozor-Rama Jozo Ivančević potpisao je danas tri ugovora za izvođenje radova za asfaltiranje lokalnih putova na području općine Prozor-Rama ukupne vrijednosti 943.046,16 KM. Izvođači radova su tvrtke "Putovi" d.o.o. Grude, "Livnopotovi" d.o.o. Livno i "HP-Investing" d.o.o. Mostar.

Prvi Ugovor za izvođenje radova na rekonstrukciji i sanaciji lokalnih putova, u ime tvrtke "Putovi" d.o.o. Grude

potpisao je direktor Rajko Čutuk.

Ugovor je ukupne vrijednosti 579.461,46 KM, a odnosi se na sanaciju lokalnog puta Orašac-Kozo i Orašac-Lise, Trzan - Ramsko jezero i Franjići-Jaklići, rekonstrukciju lokalnog puta-Regionalni put R-418a-Zahum i rekonstrukciju lokalnog puta u selu Podboru, Most Cripalo-Ramsko jezero.

Drugi Ugovor za izvođenje radova na rekonstrukciji i sanaciji lokalne ceste Ometala-Družnovići-Jaklići, u ime tvrtke "Livnoputovi" d.o.o. potpisao je direktor Ivica Brešić. Vrijednost ugovora iznosi 248.700,06 KM.

Treći Ugovor za izvođenje radova na rekonstrukciji i uređenju dijela regionalnog puta R-418b i uređenju i asfaltiranju dijela lokalnog puta Kute-Šćipe, u ime HP-Investinga d.o.o. potpisao je direktor Hasan Pekušić. Vrijednost radova iznosi 114.884,64 KM.

U POSLOVNU ZONU "GORINČANI" DOSAD ULOŽENO 800.000 KM

BOSANSKI PETROVAC, 03. juni/lipanj – Općina Bosanski Petrovac je u Poslovnu zonu "Gorinčani", kao glavni investitor, do sada uložila oko 800.000 KM i završena je procedura dodjele zemljišta za građenja tri poslovna subjekta.

Ovo je izjavio općinski načelnik Ermin Hajder, dodajući da se radi o firmi "Novi most" iz Bosanske Krupe koja će graditi tvornicu autobusa, zatim "Ben-Mal group" iz Velike Kladuše koja će otvoriti pogon za preradu drenjka i šipka i "Interwork" iz Bihaća sa tvornicom za proizvodnju peleta.

Višak toplotne energije koristit će se za staklenik za proizvodnju organske hrane, prvi u Unsko-sanskom kantonu. Visina investicije još nije poznata, bit će višemilionska, a tačan iznos bit će poznat po okončanju procedure izdavanja urbanističkih dozvola, koja je u toku.

Realizacijom ovog projekta, bit će otvoreno više od 200 novih radnih mjesta, istakao je načelnik Hajder, dodajući da su trenutno u toku zemljani radovi, koji bi trebali biti okončani za sedam dana.

Potom će uslijediti polaganje cijevi za infrastrukturu i izgradnja saobraćajnica, nakon čega će investitori pristupiti gradnji svojih poslovnih objekata.

Načelnik Hajder izrazio je uvjerenje da će u narednih mjesec dana već biti vidljiva nadzemna gradnja, a do jeseni bi većina objekata trebala biti izgrađena.

PRIJEVREMENI IZBORI ZA NAČELNIKE OPĆINA SANSKI MOST, ILIDŽA I TRAVNIK

Centralna izborna komisija (CIK) je donijela odluke o raspisivanju i održavanju prijevremenih izbora za načelnike općina Sanski Most, Ilidža i Travnik.

Naime, Općina Sanski Most je ostala bez svog načelnika usljed njegovog imenovanja na mjesto ministra u Federalnom ministarstvu razvoja, poduzetništva i obrta, dok je načelnik Općine Travnik imenovan za premijere Srednjobosanskog kantona. Načelnik Općine Ilidža, Amer Čenanović je iznenada



preminuo 01. aprila/travnja 2011. godine.

CIK je na sjednici održanoj 27.04.2011. godine donio Odluku da se u nedjelju, **26. juna/lipnja** održe prijevremeni izbori za načelnike **općina Sanski Most i Ilidža**, dok je na sjednici održanoj dana 25.05.2011. godine donio Odluku o raspisivanju prijevremenih izbora za načelnika Općine Travnik kao i uputstvo o rokovima izbornih aktivnosti za održavanje prijevremenih izbora. Izbori za načelnika **Općine Travnik** će se održati u nedjelju **24. jula/srpnja** 2011. godine.

Više informacija na www.izbori.ba

NAJAVA ODRŽAVANJA PANEL DISKUSIJE ZA NOVINARE: „KAKO IZVJEŠTAVATI IZ LOKALNIH ZAJEDNICA“



International

U skladu sa implementacijom projekta "Razvoj kapaciteta općinskih Saveza (CDMA)", a okviru komponente "Lobiranje i Zastupanje" planirano je održavanje seminara i panel diskusije za novinare iz različitih medija i redakcija s ciljem povećanje interesovanja kod novinara za pitanja i probleme lokalnih zajednica. Skupu će pored pozvanih prisustvovati i načelnici općina iz Federacije BiH i Republike Srpske, kao i direktori oba Saveza.

Panel diskusija će se održati **23. juni/lipanj (četvrtak), 2011.** godine u **Hotelu Evropa u Sarajevu**, sa početkom u **10.30** sati

Panel seminar će voditi gospodin **Goran Milić**, dugogodišnji urednik elektronskih i printanih medija, dopisnik iz zemalja širom svijeta, te popularni kolumnista većeg broja časopisa. Goran Milić je urednik i realizator više od 1000 TV emisija i 1000 izvještaja iz političkih, socijalnih, ekonomskih i drugih pitanja.
